

Dieus dat l'entschatta

*Quei ei la historia che la Bibla
rauenta a nus.
Ella rauenta da Diu
e da ses carstgauns
e dalla via
ch'el ei ius cun els.
Igl ei ina fetg liunga historia,
la pli liunga, la pli gronda
e la pli remarcabla historia
che nus carstgauns enconuschein.
Ella ha entschiet gia avon biars onns,
ditg avon che nus essan naschi,
ditg avon che nos geniturs,
nossas tattas e nos tats han viviu.
Avon biars tschiens onns,
cu ei deva aunc negins
carstgauns sin tiara.
Cu ei deva aunc gnanc ina flur
e gnanc ina plonta sin tiara.
Aunc bia, bia pli baul,
cu ei deva aunc gnanc la tiara,
fuva Dieus gia cheu.
All'entschatta da tut.
Cun el entscheiva quella historia.*